
KALAALLIT NUNAANNI NAMMINERSORNEQ PILLUGU INATSISSIP PISORTATIGOORTUMIK TUNNIUNNEQARNERA

Ataqqinartorsuaq,
Kunngikkormiutut ataqqinassusillit
Hr. Statsminister
Hr. Folketingip siulittaasua
Inatsisartut
Naalakkersuisut
Ataqqinartut qaaqqusat
Arnat Angutillu

Namminersornerup eqqunneqarnerata nalliuttorsiuutigineqarluni persuarsiuutigineqarnerani qaaqqusat peqataasusi tamassi inuiaat kalaallit, Inatsisartut Naalakkersuisullu sinnerlugit qamannga pisumik qutsavigaassi. Aammattaaq Namminersorneq pillugu Isumalioqatigiissitaasimasoq danskillu naalakkersuisui sulinerannut suleqatigiinnerannullu ullumikkut saqqummiunneqartumut qutsavigaakka.

Oqaluttuarisaanikkut, aningaasarsiornikkut inooqatigiinnikkullu sorlaat qajannaatsut ukiuni 300-ni ataatsimut Danmarkilu oqaluttuarisaanitsinnut tunngaviupput. Aammattaaq ilaqutaariissutsikkut ikinngutiginnikkullu immitsinnut pituttorsimavugut. Kunngikkormiut kalaallinut inuiannut kissalaartumik misigissuseqarput tamannalu takutinneqakulavoq, kalaallillu aamma Kunngikkormiunut taamatorluinnaq misigissuseqarput. Kunngikkormiut Kalaallit Nunaannut tikeraaraangata nuannaarutaajuannarpoq. Namminersorneq Naalagaaffeqatiginnermi killissarititaasut aallaavigalugit ineriartortussaavoq. Sinaakkusiussat tamakku Namminersorneq pillugu inatsiseqalernitsigut maanna annertusineqarput, tamannalu kalaallinit sivisuumik kissaataasimavoq.

Namminersorerulluni Oqartussaanerup eqqunneqarneranit Kalaallit Nunaata siunnerfissani aallarfigimmaguli ukiut 30-t maanna qaangiupput. Ingerlaarnermi angallatip minittorneranik malitassaqqanngilaq, Qaasuitsup qilaani ulloriaqqanngilaq sammivissamik nalerarisinnaasatsinnik, inuiaqatigiittut siunnerfimmuut nalusatsinnut periarfissanik, navianartunik akisussaaffimmillu useqarluta Namminersoreruneq pillugu Inatsisip tunniussaatioorluta taamanikkut ingerlasussanngorpugut.

Namminersorerulluni Oqartussaanerup kalaallit inuiaat ineriartortuupai Kalaallit Nunaata ineriartortorneranut ataatsimoorlutik akisussaaffimmik isumannaarisussanngortullugit. Ullormilu uani oqaluttuarisaanermi inissittussami nuannaarfiusumilu

Namminersornerulluni Oqartussaanerup ingerlanerani naammassillugit angusarisimasat ataatsimoorluta tamatta nuannaarutigalugit usorsisimaarutigalugillu kingumut qiviarsinnaavagut.

Ullut nalorninartullit aamma nalaattarsimavavut. Namminersornerulluni oqartussaanerup nalaani ukiut ingerlaneranni Kalaallit Nunaanni inuiaqatigiit inuttaasullu ataasiakkaarlutik nalaassimasaat erloqinernik artornartorsiorfiusunillu nalaattaqarfiunngitsoortarsimangillat.

Taamaattoq namminiulluta ingerlaqqinnissamut sumullu sammiveqarnissamik periarfissiissutigineqartukkut inuiattut ataatsimoorluta tiguartisimanermik ilisarnaateqartumik ammaanpeqarpugullusooq atugarissaarnikkut piorsarsimassutsikkullu annertusaanissatsinnut.

Namminersornerulluni Oqartussaanerup piorsarsimassutsikkut kingornussatsinnik, oqaatsitsinnik aamma oqaluttuarisaanitsinnik misigisimanerput nukittorsarsimavaa ullumikkut uummarilluni naasutut kusanassuseqalersillugu.

Ataqqinartorsuaq, ukiut 30-t matuma siorna 1979-imi maajip aallaqqaataani Namminersorneruneq pillugu Inatsit inuiannut kalaallinut tunniukkakku, oqalugiaatinni tassunga attuumassutillit arlallit oqaatigaatit. Ataqqinartorsuaq, ilaatigut oqarputit; nuna inatsisinik tunngaveqarluni ingerlanneqassaaq.

Oqariaaseq taanna qangarsuarli ilumoortoq aamma Namminersornerulluni Oqartussaanerup ineriartornerani tunngavimusimavoq. Taamatuttaaq Namminersornerq pillugu Inatsit inatsisitigut tunngaviusaaq, taannalu inuiattut meeqqatta siunissaata tunngavissiornerani nalerarissavarput.

Innuttaasut taasisinneqarnerisigut inuiaqatigiit kalaallit Namminersornerq pillugu Inatsit akueraat, innuttaasut amerlanerussuteqarluartut inatsimmik akuersineratigut. Taamaasilluni Namminersornerq nalliuttorsiuutigisarput inuiaat kalaallit namminneq inuunertik pillugu takorluugaannut kissaatigisaannullu, nunallu siunissaanut ilisarnaataalerpoq

Namminersornerq pillugu Inatsisikkut pingaarutilinnik arlalinnik angusaqarpugut, ilaatigut inuiattut, oqaatsitsinnik piorsarsimassutsitsinnillu tamanit akuerineqarpugut akuerineqarpugut, aamma nammineq nunatsinnik piginnittuunerput naqissuserneqarpoq, tamannalu ukiut ingerlanerini Kalaallit Nunaata aningaasarsiornikkut imminut napatilerneranut tunngaviusussanut ilaassaaq.

Namminersornermi periarfissaasut isumalluutaasullu timitalerniarneranni inuttut aningaasarsiornikkullu sapiissuseqarneq, nakkaannajuissuseq minnerunngitsumillu

ataatsimoorneq piumassuseqarfigisariaqarput. Inuiaat kalaallit suliassaq tamanna isumagissallugu nammassinnissinnaammata qularutiginnigilara.

Kalaallit Nunaata oqaluttuassartaani immikkoortoq Namminersornerulersimaneq naammassigaluttuarparput, siunissallu ilusissaa aanngassissoq erseriartulerpoq. Taamaattoq inatsisit aamma sutut pisussaannartut aalajangiinerit Namminersornermi kisimik pineqanngillat, aamma pineqarput takorluukkanik ilusiliinissamut piumassuseqarneq siunissamillu nutaamik pitsaanerumillu eqqarsaatnik pilersitsisinaanermut piumassuseqarneq.

Namminersornerup nalaani takorluukkavut anguniakkavullu tassaasariaqarput inuiaqatigiit kikkunnilluunniit atorfissaqartitsisut, amma kikkulluunniit piginnaanerminnik timitaliiniarneranni periarfissaqartitsisut. Piumassuseqarluta nukittussuseqarlutalu tamakkiullugit pilersissavagut inuiaqatigiit, innuttaasut ataasiakkaat tamarmiunermik innutaaqatiminnillu peqateqarnermik pisinnaatitaaffimminnik pisussaaffimminillu avitseqatigiiffiusut.

Inuiaqatigiit kalaallit suli aningaasarsiornikkut piorsarsimassutsikkullu ineriartornerisigut annertunerumik aningaasarsiornikkut naalackersuinikkullu nammineernerulernissaat Namminersornermi anguniagassat ilagaat. Ilinniartitaanikkut namminersornerullu ingerlanerani aalajangiisartunik ataavartumik innuttaasut isummersoqateqartarnerisigut anguniagaq tamanna piffissap ingerlanerani piviusunngortinneqassaaq. Isummersoqatigiinnerit aalajangiisarnerillu tamanut ammasuussapput, taamaalilluni innuttaasut siunissamik ataatsimoorussamik pilersitsinissamut peqataassammata.

Kalaallit Nunaat اساسا اساساککا نوناققاتیککا, Namminersorneq pillugu qamannga pisumik pilluaritsi. Ulloq tassaavoq oqaluttuarisaanermi alloriarfik nutaaq. Ukiuni nutaani tamatta sulineq, suleqatigiinneq nangissagipput pisariaqartinneqarpoq – arnaagutta angutaagutta, inuusuttuugutta utoqqaaguttaluunniit. Kisimiilluta artorsarutta ataatsimoorunnissarput pisariaqarpoq.

Anorersuit nalaattarumaarpavut, qaqqat qutaarluusut qarsunniartarumaarpavut ilaatigullu sikuliaq avalaffigisariaqartarumaarpavut. Immitsinnut uppernarsaaqatigiinniarta sulerulunnerujumalluta. Assavut immitsinnut isaatsigit isumassuinissamillu neriorsoqatigiilluta - immitsinnuinaanngitsoq ikioqatigiillutali isumassoqatigiikkumalluta.

Nunarsuarmioqataasut siunissami nunarsuarput najoruminarnerusoq anguniassavarput. Piffissami aggersumi ataatsimooqatigiinnerunissaq aporaannermit pisariaqarneruvoq.

Siunissaq periarfissarpassuarnik ulikkaarpoq. Periarfissanit sunik pissarsinissatsinnut nutaaliorsinnaassuserput, periarfissarsiullaqqissuserput, sapiissuserput kajumissuserpullu apeqqutaaginnarpoq.

Inuit pisinnaatitaaffisa, eqqissinerup, sillimaniarnerup ineriartornerullu nanginnissaasa isumannaarneqarnissaannut Namminersornermi peqataassaagut.

Inoqatitsinnut ataqqinninneq, uppernassuseq, assigiinnngisitaarnerup akuersaarneqarnera, piomassuseq, nutaamik eqqarsarnissamut sapiissuseqarneq aamma tamat isiginarlugit eqqarsariaaseqarneq Namminersornermi pingaartinneqassapput.

Namminersornermi inooqataasut tassaapput kalaallit inuiaqatigiit oqaatsitsigut piorsarsimassutsikullu nunanit tamanit akuerisaasut. Tamanna nukittorsarneqassaaq ersarissarneqarluni, taamaalilluni taamatut akuerineqarneq inuianni imminut tatiginermik pilersitsilluni nunarsuarmioqataasunit akuerineqarnermik kinguneqassammat.

Akaarinninneq sanngeequtaanngimmat akaarinninnginerlu nukittoqutaanngimmat aalajangiusimassavarput.

Namminersornikkut takorluukkavut pivisunngortissavavut ataatsimoortumillu ineriartorneq nangillugu, taamaasilluta suliassavut utaqqisut naammassisinnaajumallugit. Kalaallit Nunaata innuttaasalu inuiattut ilakkuminartutut ilisarnaateqarnerat innuttaasullu unammilligassanik allanngorartunik ataatsimoortunillu aqqissuussinissamut piomassuseqarnerat sularissavarput.

Inuiaqatigiuvugut isertuaatsumik ilasseraartut. Taama kinaassuseqarnerput nangissavarput. Kikkut tamarmik suminngaanniilluunniit kingoqqisuugaluarpata ataatsimut ajunnginnerpaaq anguniarlugu ilaalersinneqarsinnaalernissaannut kalaallinnullu inuiaqatigiinnut akulerutsinneqarsinnaanissaannut pitsaasumik sinaakkusersuissaagut.

Isumannaassavarput Kalaallit Nunaanni, nunatsinni, naapitassaajuassasoq inooriaaseq qaqugumulluunniit takussutissiisoq inuup nakkaannajuissusaanut, nukittussusaanut aamma kusanassusaanut.

Naggasiullugu tamassi inuiattut ullorsiorluarnissassinnik kissaappassi qinnuigaassilu peqatigalunga Namminersorneq pillugu pingasoriarluta horaarutigissagipput. Namminersorneq pillugu “Hurra” “Hurra” “Hurra”